

欽定平定教匪紀略

欽定平定教匪紀畧卷二十三

十二月初一日

午甲

上命軍機大臣傳諭同興曰日本日據調任雲南騰越鎮總兵陳廣寧謝恩摺內附奏拏獲太行山口司寨及滑縣道口逸匪一百七十八名盤出偽知府王學禮偽叅將朱欄新偽總兵朱文盛及受偽職都司知縣等官並賊探董繼文等現均解送曹州

交撫臣嚴訊等語東省現無剿捕事宜惟地方甫就肅清民氣未復而附近時有潰散之賊此時撫卹難民搜捕零匪二者最關緊要該撫務盡心辦理勿稍疎懈如此次獲犯內王學禮一犯前經同興奏明係屬著名賊目自必備知賊情其餘卽受僞職各犯均著該撫親提研鞫訊以京城內外及附近地方尙有無潛匿匪夥近日有無遣人來京

勾結約期情事如訊出緊要供詞卽飛速密奏留
犯預備解京質訊如無可質對者審明卽在該省
正法此外逆犯除牛亮臣徐安輻現在滑城馮克
善雖有逃赴直隸山西之供東省仍應留心緝拏
再王進道一犯前在東明起事被官兵剿敗尙遣
人渡河窺伺汴梁至今未得下落亦著上緊躡緝
其京中逸犯祝現劉第五劉呈祥董伯旺數名一

併飭屬嚴密查拏勿任漏網凡該省拏獲正法之
犯並著開單附便具奏京中查對姓名卽可停其
訪緝

十二月初二日臣同興奏言竊臣於十一月二

十七日續據委員武隆阿等稟稱該委員等將
宋躍瀝起解之時覆加研訊據供馮克善到該
犯家中說明實係由獲鹿祁州一帶往山西蒲

州解梁去至該犯向來實不認得林清亦不認得董幗太惟該犯次子宋玉林曾經到京見過董幗太或因此知道該犯名字亦未可定等語臣查前准那彥成咨開滑縣賊目卽有宋玉林之名查核年歲又與現供相符其爲確係宋躍瀝之次子無疑且馮克善於八月十一月兩次在該犯家住宿多日此時旣欲西往解梁何以

轉向北紆道數百里至該犯家中顯係欲與勾
結該犯恃無質證飾詞狡賴除宋躍瀝業已解
京外理合繕錄供單敬呈

御覽

同日章煦奏言臣接准同興咨會將逆匪宋躍
瀝並宋樹得宋得乾三犯委員解赴刑部審辦
等因當經飭派兵役護解去後茲據雄縣知縣

何維綺稟報宋躍瀝解至該縣地方於十一月二十八日身死等情查該犯被獲時曾經拒捕經兵役等用鐵錘打破左腿踝流血不止前據同興知照在案今在雄縣因傷身死已據該縣驗明出具印結交委員赴部呈報均奏入

上命軍機大臣傳諭那彥成高杞楊遇春曰昨據同興奏訊之獲犯宋躍瀝供稱賊目馮克善於十月

間自滑縣逃出十一月間由該犯家起身赴山西
蒲州解梁定於十二月十九日從解梁起手等語
現已降旨諭令衡齡密委幹員前往解梁密拏馮
克善如有拒捕情形該撫一面帶兵擒捕一面知
會那彥成派兵協剿該督等接奉此旨著先行派
人迅速前赴晉省密行偵探倘衡齡派員往捕該
犯等竟有蠢動情形無論滑城曾否攻克卽令高

杞分帶得力將領抽撥吉林黑龍江各處勁兵迅速前往剿辦勿稍稽遲若稍因循重治高杞違旨之罪斷不寬恕現在豫省竄匪俱經剿淨滑城合圍已久計日自當克復朕亦不降旨飭催惟數日未接該督等奏報軍營近日作何籌辦克城約在何時確有把握先行奏聞以慰懸注

上又命軍機大臣傳諭衡齡曰前據獲犯朱躍瀝供

出逆首馮克善前往山西蒲州一帶節經降旨諭
令衡齡嚴密查拏今復據供稱馮克善實係前往
蒲州解梁已無疑義著衡齡卽遴派明幹精細員
弁密赴解梁查拏斷不可漏洩風聲令其免脫倘
此時徒黨已聚竟聞拏抗拒滋事該撫一面就近
調派官兵星馳剿捕並一面飛咨那彥成等分派
官兵前往剿辦事關萬分緊要若稍遲延重治不

宥慎之朱躍瀝供單並著抄寄閱看

上又命軍機大臣傳諭章煦曰本日據同興奏到訊據獲犯朱躍瀝供稱馮克善此時由直隸獲鹿祁州一帶前赴解梁確鑿可信章煦已分投派人截拏並於沿途地方躡緝務須嚴密偵捕勿任私越其朱躍瀝一犯已於雄縣監斃該犯聽從馮克善糾約亦係逆黨著章煦卽派人前往雄縣將該犯

戮屍首級解赴景州梟示又據宋躍瀝之叔宋樹
得在京供出宋躍瀝有長子宋長磐次子宋玉林
尙未拏獲伊夥黨宋杼甲劉元霍雲方周之得李
勝得郭維畛陳文思各犯均須一體查拏究辦除
李勝得一犯據宋樹得供已在阜城縣拏獲霍雲
方一犯查明是否該省故城拏獲之霍元方外其
餘未獲各犯將年貌住址開單發交章煦一併飭

屬查拏務獲

上又命軍機大臣傳諭同興曰同興奏續經訊出逆
首馮克善前往山西蒲州解梁約人起事已降旨
諭令衡齡迅速密拏矣本日刑部訊據宋躍澂之
叔宋樹得卽宋樹鐸供稱宋躍澂之子宋玉林曾
從馮克善學習搶棒宋玉林傳與周添喜卽周德
謙及黃四二人周添喜住德州衛頭屯黃四住德

州南留智廟著該撫卽按照居址飭拏拏獲後研
訊有無謀逆情事按律定擬具奏其朱躍澐之子
朱長罄宋玉林雖籍隸景州或就近逃往德州一
帶潛匿亦未可定並著一體嚴拏毋任漏網

上諭內閣曰文孚經理山東糧餉尙無貽誤現在東
省賊匪早經剿捕淨盡邊界分駐防兵所需糧餉
無多著同興卽委本省局員撙節辦理文孚接奉

諭旨卽行來京供職

上又諭內閣曰黃鉞奏失察武生從逆之教官請
旨革職一摺馮克光身係武生膽敢戕官劫獄爲
著名賊目情罪重大該管教官失於查察非尋常
疎懈可比荷澤縣訓導兼理曹州府教授宋旋著
卽革職

上又諭內閣曰張鵬展奏在山東學政任內失察武

生從逆本應交部嚴加議處其於金鄉縣邪匪謀
逆鉅案一聞稟報卽飛咨同興查辦並向該撫力
言必應奏聞辦理同興始飭縣拏獲崔士俊等究
出首逆林清奏明立就捕誅該學政功過尙足相
抵著加恩免其嚴加議處惟學政本有奏事之責
張鵬展彼時不先行奏聞亦有不合仍著交部議
處

同日同興奏審辦城武縣已革助教銜劉竹縱
令子姪糾搶一案訊明該犯子姪糾約多人出
外搶掠皆在劉竹門外會齊劉竹貪利縱容坐
地分贓屬實該犯到案供出曾做詩寓意內有
食粟或非盜跖樹存心猶慕首陽清之語見其
不愛分贓情殊狡詐除先將已獲之劉林奇等
十二犯正法外該犯值邪匪滋事之時乘機擾

害應問斬決現已監斃仍戮屍梟示奏入報

聞

十二月初三日

兩

那彥成高杞楊遇春奏言據

特依順保楊芳等將逆首李文成並賊首劉嫺

明宋老秀王修智等屍身及活賊韓得中等二

十八名解到滑縣廣厚亦由衛輝來營當卽會

同查驗逆首李文成及劉嫺明等屍身皆確鑿

無疑當將李文成判屍梟首傳示三省被擾地
方其劉惲明等亦判屍梟示並刊刻告示曉諭
三省民人俾知逆首殲除人心鎮定所有白土
崗司寨兩次擒獲活賊四百餘名內受傷甚重
及無關要供者均已就地正法外現據解到之
韓得中等二十八名亦已審明辦理又據司寨
附近村民擒獻零匪七八十名同各營卡拏獲

五十餘名均經楊芳等先後正法又輝縣獲解
十六名亦經飭令地方官就近於衛輝郡城一
併正法訖再前奉

諭旨劉幗明帶領夥賊西竄有呂均台王學義羅幗

旺王金斗宋克俊等同行應逐一查明下落臣查

宋克俊卽係宋老秀已在司寨殲斃又據現獲

賊目申文顯供稱呂均台羅幗旺二犯均係劉

幘明手下兌卦頭目各管三四百人俱於十九
日在白土崗中鎗身死王金斗一犯係王修智
手下與卦頭目管三百人於十九日中箭身死
並據現獲賊目秦理供稱王學義亦於司寨燒
斃謹將已經殲獲各賊目及未經殲獲者一併

開單恭呈

御覽現在楊芳等原帶之兵均已撤回大營其司寨

山內派令叅將雙福帶山西兵三百名在彼彈

壓

那彥成等又奏言臣等欽奉

諭旨令查明出力官弁兵丁據實保奏謹會同查明
詳加確核分別開單恭呈

御覽伏候

施恩鼓勵再督標中軍副將張大振平日整頓營伍

操練認真此次在道口滑縣節經剿賊奮勇該副將前已保舉堪勝總兵奉

旨記名理合一併附奏再吉林委叅領福林德隨同攻破司寨後有賊匪七八十人逃入民房悉力抗拒福林德奪門撲進舉刀連砍二賊詎賊衆擁出致被鎗傷陣亡時福林德之弟甲兵伊常德見兄倒地奮不顧身直前殺賊同時中鎗陣

亡隨經伊弟領催哲明德伊姪甲兵靈星德二人超出衆兵將房屋圍住搬運柴草舉火焚燒始將賊衆七八十人一併燒斃查福林德伊常德弟兄二人同時殺賊捐軀被害甚慘哲明德靈星德旋將賊衆全行燒斃義勇足嘉謹一併據實陳明恭候

施恩卹賞

那彥成等又奏言查現在各營陸續出有武職
各缺臣等公同酌擬擇其歷次打仗奮勇出力
者分別請補謹開單進

呈伏候

施恩鼓勵

那彥成等又奏言據色爾滾德寧阿特依順保
楊芳等回營面稟此次官兵於十九日在白土

金瓶梅詞話卷一百一十三
崗剿賊已經得手嗣賊匪佔據山梁向下力撲
二次官兵正在奮勇仰攻詎河南官兵同西安
滿營健銳營弁兵竟有不肯向前者經特依順
保楊芳等將河南兵二名立用腰刀砍倒衆兵
始皆畏懼一齊衝上山梁將賊匪追退下山盡
數剿戮查帶兵打仗全在領兵之備弁旗手督
率前進今查出河南盧氏營守備左傳文西安

營驍騎校穆蘭健銳營前鋒校查當阿副前鋒
校倭什布明福等五員帶兵畏葸稟請查辦臣
等當將左傳文等先行摘去翎頂請

旨將左傳文穆蘭查當阿倭什布明福等發往伊犁
充當苦差仍在戍柳號一年以示懲儆其餘兵
丁_臣等已分別懲辦

同日方受疇奏言竊照滑澂二縣被賊村莊蒙

恩賞給兩月口糧茲查賊匪由長垣闖入封邱經過
陽武新鄉獲嘉輝縣林縣等處村莊同遭焚掠
所有該處難民應否照滑濬二縣一體

賞給兩月口糧伏候

訓示至大河南北各州縣積歉災傷情形過重時屆
隆冬各處無業貧民饑寒交迫臣除與司道暨
各府州縣倡捐煮賑並勸諭紳士富民捐貲辦

理外合無仰懇

聖慈俯准查撥常社倉穀於本年十二月明年正月
設廠煮賑兩月出自

恩施其閭鄉西華項城鄆城四縣因收麥被霜續報
歉收應請一體煮賑兩月俾資口食至附近滑
濬各縣除賞給口糧之外此時賊氛未盡應無
庸煮賑以免別滋事端均奏入

上諭內閣曰那彥成等奏查明出力文武員弁兵丁據實保奏一摺前經官兵將分竄輝縣司寨大股賊匪全數剿滅並將逆首李文成賊目劉綢明等殲斃當降旨交那彥成等詳查出力弁兵奏請鼓勵茲據查明保奏其滿營出力弁兵內營總和福巴圖魯舒爾哈善著加恩賞加副都統銜佐領永海賞給幹勇巴圖魯名號特里善賞給堅勇巴圖

魯名號營總阿爾遜賞給捷勇巴圖魯名號委叅
領巴圖魯賞給健勇巴圖魯名號德海賞給藝勇
巴圖魯名號德林保賞給勁勇巴圖魯名號二等
侍衛蘇倫保賞給迅勇巴圖魯名號叅領巴揚阿
德清佐領安出拉額布臣驍騎校貴當阿富色訥
領催永謙岱親保富里善俱著賞換花翎叅領柯
仁阿巴爾精阿俱著賞戴花翎營總巴圖魯富柱

著以協領補用副叅領諾木齊著賞給頭等侍衛
委章京伊勒東阿達明善委叅領額勒謹花良阿
委驍騎校德升領催柯敏阿俱著以驍騎校陞用
藍翎長朱勒格訥額勒登布藍翎領催伊林善慶
德領催綽哈訥伊靈阿富青阿領催委官英陞額
甲兵額勒精額俱著賞給額外驍騎校三等侍衛
金齊仙保著賞給二等侍衛藍翎侍衛吉爾章阿

著賞給三等侍衛前鋒訥清阿綽鸞泰博爾洪武
全祿烏爾滾布委章京倭仁保德伸委官興德常
喜保和善錢德色普正額領催武勒登額富倫泰
佛爾洪阿扎拉芬圖明阿噶勒明阿西朗阿童保
山清安布丹秦保富珠瑚六十五三官保烏靈額
伊克唐阿烏爾恭保卜算保倭德倭興額砥勒罕
保舒爾德訥古瑚屯玉祿委驍騎校長壽委領催

阿寧阿馬甲和綳額烏爾滾保伍崇額青海依成
額色布青額福勒通保披甲伊勒賡保穆克登保
鄂克敦保伊克精額甲兵噶興阿額勒謹穆騰額
伊興德蘇隆阿多拉岱額勒德慎穆騰策薩尼布
記名驍騎校圖木魯營總武爾卿阿馬兵達沖阿
護軍色卜興額前鋒校德會俱著賞戴藍翎其綠
營出力弁兵內都司趙啟貴著賞給驍勇巴圖魯

名號遊擊馬正元都司馬鳴謙守備唐倖千總張
作功王萬得饒成富俱著賞換花翎遊擊安惠著
賞戴花翎守備郭鵬起千總李步月許福顏生貴
把總米兆元褚天喜羅永忠張朝玉王貴蕭福祥
馬呈堦外委馬仕祿朱啟鯤郭玉蒙世恒張武唐
占魁杜佐清馬騰蛟楊烈王一鳳武舉楊兆麟武
生馬兵朱連升額外外委廖再富王貴李國彥王

萬慶門登第馬兵馬廷俊萬代興單萬邦王保元
牛化麟李元魁林懷玉柴得元譚國耀馬魁張鳳
鳴徐梅王殿卿白朋林甘貴許正英俱著賞戴藍
翎遊擊熊敏謙守備杜縉童順千總魯福山陳貴
馬連陞俱著以應陞之缺陞用先換頂戴革職千
總徐國楨李朝陽俱著開復原官其隨營差委出
力之河南試用知縣曹貽澤著加知州銜候補未

入流姚璈著以應陞之缺陞用甘肅武威縣知縣
朱炳著以同知直隸州卽補先換頂戴陝西丁憂
候補知縣徐潤俟服闋到陝補缺後著以同知直
隸州補用先換頂戴甘肅丁憂西寧縣知縣李燿
服闋後卽著留於河南以知縣卽補陝西候補州
同王金華著以應陞之缺陞用甘肅隆德縣典史
沈在光著以應陞之缺先儘陞用山東候補縣丞

捐陞通判陳建著留於直隸儘先補用捐納縣丞
沈玉輝著留於河南儘先補用直隸多倫諾爾理
事同知那清阿著免其降級處分仍留直隸補用
直隸革職候補知縣畢裕曾著准其捐復原官陝
西試用未入流郎發英著儘先補用

上又諭內閣曰那彥成奏軍營打仗出力人員懇請
分別陞補一摺著照所請陝西潼關協副將員缺

准其以張拱辰陞補所遺河南撫標中軍叅將員
缺著周奉陞補陝西漢鳳營遊擊員缺著陳喜陞
補陝西靜寧協都司員缺著唐璫陞補陝西河州
鎮循化營守備員缺著高勇臣陞補直隸通州協
副將員缺准其以七十一陞補所遺河南彰德營
叅將員缺著祁祥陞補陝甘督標後營遊擊員缺
著馬鳴謙陞補陝西西固營都司員缺著俞振海

陞補陝西提屬石峯堡守備員缺著張作功陞補
甘肅蘭州城守營叅將員缺准其以朱保陞補所
遺陝西河州鎮右營遊擊員缺著劉印景陞補甘
肅涼州鎮張義營都司員缺著那丹珠調補陝西
邠州營都司員缺著杜縉陞補陝西延綏鎮中營
守備員缺著馬明陞補陝西撫標中軍叅將員缺
准其以丁永安陞補所遺陝西鞏昌營遊擊員缺

著周應麟調補河南河北鎮中營遊擊員缺著陳
天壽陞補河南荊子關協都司員缺著閻克仁陞
補山西大同鎮水泉營守備員缺著楊立震陞補
甘肅寧夏鎮花馬池營叅將員缺准其以陳弼調
補所遺河南營叅將員缺著蘇雲龍陞補陝西漢
中鎮左營遊擊員缺著方一彪陞補陝西河州城
守營都司員缺著童順陞補甘肅寧夏鎮花馬池

守備員缺著蕭福楨陞補甘肅肅州鎮標中營遊擊員缺准其以王作宣陞補所遺甘肅永固協礮口營都司員缺著紀祥陞補甘肅寧夏鎮安定堡守備員缺著王進忠陞補陝西延綏鎮右營遊擊員缺准其以宋鉞調補所遺固原提標後營遊擊員缺著胡文秀陞補甘肅寧夏鎮中衛協都司員缺著馬安邦陞補陝西延綏鎮磚井堡守備員缺

著陳貴陞補直隸天津鎮城守營都司員缺准其
以竇德陞補所遺甘肅涼州鎮土門堡守備員缺
著高傑陞補陝西提屬長武營都司員缺准其以
劉鳳翥陞補所遺陝西西安鎮左營守備員缺著
馬滿德陞補甘肅涼州鎮標前營都司員缺准其
以沙武德補授甘肅涼州鎮標後營都司員缺准
其以徐大凱陞補所遺直隸柳溝營守備員缺著

溫起龍陞補烏魯木齊提屬精河營都司員缺准
其以馬明圖陞補所遺陝甘督標左營守備員缺
著陳貴陞補甘肅提標後營都司員缺准其以袁
剛陞補所遺寧夏鎮屬玉泉營守備員缺著馬連
陞陞補直隸督標前營守備員缺著顏生貴陞補
上又諭內閣曰那彥成等奏吉林委叅領福林德於
攻破司寨時兄弟同時陣亡伊弟伊姪等盡殲賊

衆等語福林德因追殺逃匿民房賊匪致被鎗傷
陣亡甲兵伊常德見伊兄倒地奮不顧身直前殺
賊亦中鎗陣亡經伊弟領催哲明德伊姪甲兵靈
星德超衆圍殺舉火焚燒始將賊衆七八十名一
併殲斃福林德兄弟叔姪四人或赴敵捐軀或奮
勇殺賊一門義烈實屬可嘉除福林德業經加等
照叅領例賜卹外伊常德著加恩照驍騎校之例

賜卹哲明德靈星德俱著加恩賞戴藍翎哲明德
以驍騎校卽行補用靈星德卽補領催以示鼓勵
上又諭內閣曰那彥成等奏查明隨征怠玩之備弁
兵丁嚴行懲辦一摺所辦甚是軍營賞罰嚴明方
足以示勸懲此次官兵攻克司寨殲除首逆所有
在事出力奮勉之將弁兵丁均經立沛恩施俾知
鼓勵乃白土崗進剿之時健銳營及河南西安弁

兵中竟有一二退縮不前者經特依順保楊芳等
立時砍斃二人率衆鼓勇直前始獲全勝茲查出
河南盧氏營守備左傳文西安營驍騎校穆蘭健
銳營前鋒校查當阿副前鋒校倭什布明福俱臨
陣畏蒞本應卽按軍法從事但念此次全師告捷
姑從寬懲辦左傳文等五員俱著革職卽在軍營
枷號示衆俟軍務全竣發往伊犁到戍再枷號三

年充當苦差永遠不准釋回俾羣知警畏以肅戎
行

上又諭內閣曰河南封邱陽武新鄉獲嘉輝縣林縣
等處被賊焚掠村莊居民蕩析殊堪憫惻著加恩
賞給兩月口糧其大河南北各州縣無業貧民嗷
嗷待哺著准其酌動常社倉穀於本年十二月明
年正月設厰煮賑兩月閏鄉西華項城鄆城四縣

補種秋菽復被霜災亦著一體煮賑兩月該撫務
督飭各屬認真辦理俾小民均霑實惠以副朕軫
卹民艱至意

上命軍機大臣傳諭那彥成高杞楊遇春曰本日那
彥成等保奏軍營出力之陝甘督標中軍副將張
大振一員現交軍機處存記俟有總兵缺出卽予
簡用至所奏已未殲獲賊目名單現存核對此外

有朱成貴一名前據同興奏報該犯已由扈家集
逃赴滑縣城中單內未經敘入又賊目趙得一
名前據章煦奏拏獲伊子趙全據供其父已往滑
城單內未列在滑城賊目牛亮臣之次著那彥成
於攻克滑城時飭知將士等詳悉辨認緝拏勿任
免脫據奏滑城卽可克復現在德寧阿楊芳等帶
領得勝之兵雲集城下我兵勇氣百倍想捷音業

已在途朕惟計日以待

上又命軍機大臣傳諭章煦曰近年因直隸辦理差
務先後發給帑銀三十餘萬兩著該署督查明已
用若干存留若干將所存之項撥歸軍需項下動
用又本日刑部訊據朱躍澐之叔朱樹得供稱朱
杼甲係朱躍澐一黨朱杼甲之徒弟郭希文高九
徐六俱係景州小陽莊人著該署督卽密飭該地

方官按名查拏到案嚴訊有無習教謀逆情事按律辦理

上又命軍機大臣傳諭同興曰據劉鑑之等奏有山東汶上縣人劉大秋面稟有曹州剿散餘匪現在汶上隣近鄆城縣村莊商同明年正月初一日起事並稱此股餘匪有趙東禮孟泮俱係白蓮教頭目約有一百餘人自官兵剿散後逃回各村搶掠

等語山東曹州賊匪經官兵連次痛剿已就肅清
其零星逃散者又復糾衆在隣縣搶掠若不早爲
擒捕必至聚集愈多著同興卽派兵就近前往剿
捕將爲首之犯擒獲審明按律治罪再昨又訊據
宋躍澐之叔宋樹得供稱宋躍澐有徒弟夏之禮
住德州衛八里屯陸貴住德州城西馬營著該撫
卽按照居址飭拏獲後研訊有無謀逆情事按律

辦理其宋躍漴之叔祖宋杼甲雖籍隸景州或就
近逃往德州一帶潛匿亦未可定並著一體嚴拏
毋任漏網

同日廣厚奏言竊_臣接那彥成來信前赴軍營
會同親驗賊屍及訊取活賊口供當由衛輝起
程前往適該逆首等屍身已經解到驗得李文
成屍身完全養成長髮兩足有夾棒痕傷處儼

然用紅綢膏藥敷貼外用厚棉及白布包紮左
目帶有鎗傷當經那彥成提出所留眼目活賊
湯俊拔李伏等逐一辨認僉稱爲李文成屍身
屬實臣復傳到前經強克捷差拏李文成刑訊
之滑縣皂班頭役陸安邦陳天路二名令其再
加細認據供九月初二日奉票向謝家莊拏到
李文成本官堂訊用過夾棒一次並用木棒敲

打五六百下李文成兩腿就不能行動當卽收
禁此時查看屍身實係李文成無疑復驗明劉
綱明宋老秀王修智各屍身飭令活賊辨認屬
實臣復提活賊韓得中劉綱太衛揚三犯訊供
與那彥成前奏悉符現由那彥成分別辦理奏
入報

聞

十二月初四日
酉

上命軍機大臣傳諭同興曰該省定曹賊匪雖經剿滅其竄散餘匪未能搜捕淨盡現在鄆城等處有匪徒糾謀滋事並搶劫村莊之事德州一帶米躍漲雖已就獲其徒黨恐未緝拏淨盡均不能不留心防範同興當酌派曉事大員管帶弁兵於適中扼要之地駐紮彈壓一聞附近地方有匪黨勾煽

卽時前往撲捕方不致蔓延滋事同興不可專顧
防堵滑城竄匪將本境各處查緝事宜置之度外
該省本年荒歉一切安撫難民事宜該撫務督率
地方官認真經理毋致饑民流而爲匪又定曹滋
事賊匪內有邵舉人爲首前經降旨飭查迄未據
同興覆奏該犯究係何縣之人是否已被殲戮抑
或逃竄未獲併著查明具奏

上又命軍機大臣傳諭方受疇曰御史申啟賢奏豫省奉旨賑卹各州縣因將截漕米石改撥軍需應行折給賑糧尙多遺漏又開封彰德地方官亦借軍需爲名科派草豆併請嚴緝南汝一帶紅鬍子順刀手各等語豫省連年歉收現在河北一帶又被賊匪蹂躪一應撫綏安緝事宜最關緊要著該撫嚴飭所屬將應行賑卹各州縣按照查報戶口

爰速散放毋任官侵吏蝕實惠不得及民其彰德等處有無藉軍需苛派民間之事併著嚴查具奏該省南汝一帶最多匪徒現在辦理保甲著嚴飭地方官實力編查爰爲鎮撫

十二月初五日

戊衡齡奏言竊

臣

接准張績來

信該鎮於豫省大兵圍剿司案之際帶兵前赴期城堵截據叅將雙福報稱在侯兆川等處山

內搜捕獲賊二十四名都司葛天培帶領弁目
亦獲賊十一名均就近解送楊芳軍營收審雙
福現在附近司寨之十八盤黃水口暫紮該鎮
接奉那彥成批示仍回山旺莊原處駐紮又據
陵川縣稟報斷金橋韓家口各處防卡兵勇截
殺竄匪數名割取耳記呈驗臣當將出力兵勇
獎賞外並將獲犯牛世旺等親提訊問據供係

河南汲縣人與牛亮臣同姓不宗因本年十一月間赴封邱收賑途遇馮克善之兄馮老六收爲坎字下人告知馮克善破了滑縣又到濬縣開事佔住道口就往廣平府去邀人馮老六當派小的同李四木匠之妻舅趙得隴又劉家莊住的劉榮並徐姓王姓一共五人保護李四木匠西竄在封邱牛角屯遇兵打仗到了司寨十

九日官兵一早圍攻同趙得隴在寨外率衆拒敵親見趙得隴中鎗倒地該犯隨即逃奔劉榮等都在寨內還有頭目劉幗明張義寧王修智王金斗朱元帥都同時打仗司寨攻破想他們都已被殺復詰以趙得鳳徐茂恭下落據供頭目內有徐姓不知名字另有小徐當家年十八九是徐安幗之子其趙得鳳並未見過等供

臣

恐該犯尙有未盡供詞容再加研訊正法其餘
解到之谷保秋等三名訊係被賊裹脅卽予省
釋臣查馮克善一犯據牛世旺所供本月往直
隸廣平府邀人之語茲欽奉

諭旨該犯現由獲鹿赴曹州解梁一帶尋找夥黨並

有年貌服色可查

臣

當卽密派幹員星赴前途

截拏至蒲州解梁既有該犯夥黨

臣

亦另行派

員前往會同地方官嚴密訪查並緝王道瀝于
克敬等各要犯務獲其前此飭拏之坤卦教首
邱玉兌卦教首侯幘隴經臣派委幹員前赴岳
陽縣西南王莊詳細訪拏委無蹤跡奏入

上命軍機大臣傳諭那彥成高杞楊遇春日衡齡奏
於陵川地方捕獲司寨竄匪牛世旺據供該犯於
十一月間在封邱途遇馮克善之兄馮老六當經

派同李文成妻弟趙得隴竄至司寨趙得隴被官
兵放鎗擊斃詰以趙得鳳徐茂恭下落據供頭目
內有徐姓不記名字另有小徐當家年十八九是
徐安幬之子至趙得鳳並未見過等語李文成之
妻係屬何氏是否實係趙姓有弟名趙得隴著那
彥成於獲犯內詳查具奏趙得隴一犯既有其人
則趙得鳳徐茂恭二犯諒必亦有並著於攻克滑

城時留心查驗再現據董惻太供出有安懷普一
犯係滑縣人郭名如一犯係滑縣人皆李文成手
下頭目去年秋間曾至林清家中那彥成所開賊
目單內查無其人並著一體留心查緝毋任漏網
上又命軍機大臣傳諭衡齡曰衡齡奏趙得隴一犯
訊據賊匪牛世旺供稱卽李文成妻舅於前月十
九日在輝縣司寨地方經官兵鎗斃該犯親見自

係確鑿趙得隴既有下落則趙得鳳徐茂恭二犯
可見必有其人該撫仍當留心查緝至現在尤關
緊要者馮克善前往解梁定十二月十九之期欲
圖起事爲期甚近務將該犯迅速弋獲則逆謀自
然解散毋稍玩視至于克敬一犯昨據那彥成奏
查明業於濬縣城外殲斃王道滢一犯現在滑縣
城中晉省卽可停緝

上又命軍機大臣傳諭朱勲曰昨據刑部訊據逆犯
宋躍瀝之叔宋樹得供稱離卦教匪在潼關以西
有好幾座營盤未動之語恐有勾結蠢動該撫務
須詳慎訪查加意防範再前據傳教女犯高張氏
供出之陳恒義陳美玉陳金聲等犯飭拏曾否弋
獲如業經就獲該撫卽遵照前旨親提訊供由驛
速奏將該犯等嚴加鎖鑰解京歸案質審其前經

飭令密拏之兌卦頭目王忠順一犯據逆首林清
供出在潼關一帶藏匿現在是否查有下落並著
該撫確查具奏

十二月初六日紀百齡奏言竊臣前此拏獲匪
僧緒乾訊供具

奏後當經一面飛咨同興令將該犯之兄劉林解
江質對嗣准同興咨覆東省拏獲匪犯劉林訊

明係入教爲匪之犯業已正法無從質對

臣節

次接奉

諭旨并發到王棟供詞隨親提該犯逐一審訊所有

該犯原供與太監蕭得祿劉福慶密商內應一

節該犯初猶堅執前供及語以蕭得祿久經身

故該犯始詞色改變頓改前供自認虛誣不諱

緣該犯到案時已供認與林清往來知干重罪

因憶及林清本勾通太監若另扳扯太監必要
查明虛實俟查明並無其事仍可將與林清往
來之事抵賴脫卸藉圖末減其實劉福慶並未
謀面蕭得祿雖曾及見亦並無交結情事至從
前廣濟寺內原有慶師傅記不清名字係舊日
當家和尙該犯實另無慶字法名至該犯之兄
劉林據供係東方教頭手下有一百餘人與程

伯岳布大郎布大勁兒李八四人代王棟料理
東方教事又程伯岳姪孫程大秤常按月至京
通信該犯並不知有布二勁兒王孫兒響兒姓
名現在程伯岳程大秤布大李八於九月內都
往滑縣去了至該犯與林清往來充當小頭目
祇有徒弟二人除井士杰業已殲斃外此外只
有井花狗已往滑縣再無別人至於京城內外

有無潛伏奸民該犯堅供不知等語現在連日

詰訊該犯已俯首無詞應卽按律辦理所有該

犯及王棟供出各犯現已飛咨嚴拏不任漏網

又盱眙匪犯周泳太潛謀滋事一案臣親提獲

犯逐一研訊緣孫國柱人本痴迷其妻被周泳

太姦佔其子亦隨周泳太屠宰孫國柱因此懷

恨挾嫌曾經控縣有案周泳太子糾衆謀逆堅

不承認現在飭提周泳太孫國柱各家屬到案
質訊并飛咨衡齡速將孫國柱移解歸案質訊
百齡又奏言臣查江境豐碭各營卡現在防範
一律周密惟連日捕獲零匪三名內馬文興孟
存孝卽孟傳孝籍隸金鄉習震卦教王幅增籍
隸單縣習離卦教該犯等均手執白旗攜帶鎗
刀於九月十五日在金鄉葦子坑等處焚燒搶

掠與官兵拒敵審明後當卽按律凌遲梟示現
在豫省分股西竄輝縣之賊已被官兵殄滅滑
城外援已絕近聞匪徒掘地取水折屋炊食勢
已窮蹙我兵尅日歲功恐有逃竄餘孽臣督飭
各營卡隨時偵探賊蹤益嚴備禦

百齡又奏言查江境邊防事宜經臣督率營員
分投堵剿該將備等俱認真出力似應隨時鼓

廩現在出有徽州營叅將一缺例應遴員請補
臣同提臣烏爾卿額等秉公確查徐州鎮標遊
擊沙念聖蕭營都司張佑溪奇兵營守備舒大
鵬徐州城守營千總錢永甸隨營奮勉可否仰
懇

聖恩以沙念聖補授徽州營叅將其遺缺卽以張佑
溪等三員遞補之處伏候

訓示

同日同興奏言竊臣前據拏獲賊目劉景唐李
名揚二犯供出東省尚有程伯岳張景文二犯
係著名首逆當經訪得城武縣闕家店地方有
匪徒倡立紅磚會名目肆行焚搶張景文卽係
闕家店人當經派員前往拏獲并其次子張廣
純姪張麟趾及黃讓等四犯解赴曹郡審辦又

據兗沂曹濟道熊方受稟獲張景文之夥黨李
廷兆郭鳳岐郭鳳鳴郭三官郭鳳梧郭友須侯
金城李四麥等八名一併歸案審訊據張景文
供自祖父以來素習紅拳長子張廣涵因另案
在濟南府監禁今年五月內有河南舊考城人
扈大德到該犯家內因該犯之子在省監禁送
給盤費銀十兩并告訴要造反的話該犯未允

亦未收伊銀兩九月內教匪造反該犯糾約鄉人拏過土匪實不是邪教等語加以究詰該犯一言不發訊之伊姪張麟趾據供張景文素會運氣又會拳棒實是離卦教首九月教匪起事曾令李廷兆糾人搶劫是實查對李廷兆等供伊等俱是紅磚會曾同張景文張麟趾糾約多人赴各處搶劫張景文實是教首各等語又提

出劉景唐與之當面質對張景文仍無一字供
認亦無一語置辯查賊目劉景唐指供該犯係
離卦教首因伊子張廣涵現在省監恐一蠢動
則其子先受刑誅是以隱伏茲復據該犯之姪
張麟趾并李廷兆等多人衆供確鑿其爲教首
無疑臣於審明後卽將該犯張景文凌遲處死
其姪張麟趾子張廣純亦一併正法李廷兆等

金史卷一百一十三
四十三
係紅磚會匪乘勢搶刦現飭該道另行擬結其
張景文之長子張廣涵飭司查明原犯之案辦
理均奏入

上命軍機大臣傳諭百齡曰百齡奏嚴審匪僧緒乾
前次所供與太監蕭得祿劉福慶密商內應一節
既據該犯自認虛誣諒無疑義前京中所查廣濟
寺知客僧人廣遠又名胖廣著百齡再提訊緒乾

伊是否另有胖廣之號再該犯所供太監蕭得祿
與該犯在西華門外大慶軒商謀因知蕭得祿已
故卽頓翻前供但該犯供稱本年由單縣到京直
至黃村並未進城而京城西華門外此時實有大
慶軒茶館其前次所供又不無可疑著百齡再向
該犯嚴切根究務得實情毋任支飾其該犯所傳
徒弟井士杰井花狗井花杰雖已殲斃井花狗現

逃往滑縣又匪犯程伯岳程大秤布大李八據該
犯供稱均於九月內前往滑縣著該督卽咨會那
彥成等於收復滑縣時按名查緝毋令漏網其王
棟所供布二勁兒王孫兒響兒並著向該犯再行
詳細推鞠究明下落迅速飭拏若該犯供詞盡情
吐露無可質對卽著該督錄供具奏將該犯按律
正法又據奏周泳太一犯因與孫國柱素有仇隙

曾經姦佔其妻是以挾嫌誣指現在咨提孫國柱
解江質審等語孫國柱如尙未解到著百齡再行
咨催晉省迅卽押解來江詳細研訊如周泳太等
實無謀逆情事該犯因挾有舊嫌任意誣扳則誣
告人叛逆律有明條日前晉省有秦定宇匿名控
告王銀廣王泳年與牛亮臣通信謀逆一案訊係
王銀廣開局誘賭秦定宇因賭輸負欠挾嫌誣控

經該撫奏擬斬候當降旨改爲斬決今孫國柱誣指周泳太約人叛逆事同一轍亦著於訊明後將孫國柱問擬斬決并提周泳太等看視行刑至周泳太姦佔孫國柱之妻另按例治以應得之罪再孫國柱所稱周泳太給與大順錢文一節大順通寶問係李自成僞號鑄造并著研訊孫國柱等此項錢文究係從何得來必須訊出確實憑據毋任

含糊掩飾

上又命軍機大臣傳諭同興曰同興奏拏獲教首張景文訊明習教謀逆糾人搶掠衆供確鑿將該犯凌遲處死并將其姪張麟趾其子張廣純一併正法至張景文尙有長子張廣涵現因另案收禁省監飭司查明原案擬結等語張廣涵卽有別案罪名諒不若逆案之重該犯係張景文親子著卽絞

決昨因鄆城地方有餘匪趙東禮孟洋二犯糾約
一百餘人在彼搶掠當經諭知同興派兵剿捕此
事關係緊要斷不可令剿散餘匪又復聚集擾害
無事地方該撫迅卽遵照前旨派劉清等前往剿
辦淨盡一經辦竣迅速由驛奏聞

上諭內閣曰百齡等奏懇請將防剿出力人員遞行
陞補一摺江省現有設防事宜遊擊沙念聖等或

巡緝認真或搜捕出力著加恩照該督等所請沙
念聖准其陞補徽州營叅將所遺徐州鎮標中營
遊擊員缺准其以蕭營都司張佑溪陞署其蕭營
都司員缺准其以奇兵營守備舒大鵬陞補所遺
奇兵營守備員缺准其以徐州城守營千總錢水
甸拔補以示鼓勵